



Sud Bosne i Hercegovine
Sud Bosne i Hecegovine

Broj: S1 3 Iž 037141 20 Iž
Sarajevo, 09.10.2020.godine

Sud Bosne i Hercegovine, u drugostepenom vijeću sastavljenom od sudija Zvezdane Antonović, kao predsjednika vijeća, Mirsade Džindo i Dinke Bešlagić Čovrk, kao članova vijeća, odlučujući o žalbi Kužić Ivana, Donji Zaton 12, Ston 20230. R. Hrvatska, (kod Glumac Neđe), izjavljenoj protiv Odluke CIK BiH broj 05-1-07-1-998/20 od 01.10.2020. godine, u nejavnoj sjednici, održanoj dana 09.10.2020. godine, donio je

R J E Š E N J E

Žalba se odbija

O b r a z l o Ź e n j e

Odlukom Centralne izborne komisije Bosne i Hercegovine broj 05-1-07-1-998/20 od 01.10.2020. godine odbijen je upis u izvod iz Centralnog biračkog spiska za glasanje izvan BiH. Sastavni dio odluke je tabela sa sa imenima odbijenih birača za upis u izvod.

S obzirom da nije prihvaćena prijava za upis u izvod iz Centralnog biračkog spiska za glasanje izvan BiH, Ivan Kužić je uložio žalbu navodeći da je on i članovi njegove rodbine prijavili adresu Zaton gdje će boraviti u vrijeme izbora, tražeći da njegovu prijavu ponovo vrata u status validne prijave u skladu sa izbornim zakonom.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer je osporavano rješenje opravdano doneseno kako bi spriječilo negativne posljedice koje bi eventualno nastupile dostavljanem glasačkog materijala za više lica na istu adresu. Odredbe člana 5.21 stav (1) Izbornog zakona BiH propisale su da Centralna izborna komisija utvrđuje način i proceduru glasanja građana BiH poštom pa je preispitujući žaliteljevu prijavu utvrdila da je za žalitelja i još 6 lica označena ista adresa za dostavljanje glasačkog materijala i da se radi o izbornom inženjeringu koji može uticati na izborni rezultat.

Ispitujući pobijanu odluku u okviru žalbenih navoda vijeće je zaključilo da je žalba neosnovana.

Prilikom utvrđivanja činjeničnog stanja CIK BiH je, prema stanju u spisu, pravilno utvrdila da je označena adresa za prijem glasačkog materijala i elektronska adresa na prijavi, kako za žalioca tako i za još 6 lica je sa istom biračkom opcijom za sve prijave. CIK BiH je, prema stanju u spisu na osnovu potpuno i pravilno utvrđenog činjeničnog stanja izveo i pravilan zaključak, da bi dostavom osjetljivog izbornog materijala na istu adresu: Donji zaton 12. 20230 Ston R. Hrvatska, povrijedilo osnovno izborna načelo, tajnost glasanja i izbora direktno od strane birača, koje garantuje odredba člana 1.3 Izbornog zakona BiH, te da izborna manipulacija može za posljedicu imati planirani izborni rezultat.

Navodi žalbe da su na istoj adresi prijavljeni, on i još 6 članova njegove rodbine je bez značaja pošto do ukazanih povreda dolazi bez obzira na broj prijavljenih lica, ali u svakom slučaju kada je na istoj adresi prijavljeno više lica iz iste izborne jedinice. Osim toga, žalitelju pobijanom odlukom nije oduzeto biračko pravo za Lokalne izbore 2020. godine, nego samo mogućnost da glasa putem pošte izvan BiH na ovim izborima, ali će moći da glasa na redovnom biračkom mjestu u opštini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA
Zvezdana Antonović**